

大清光緒十五年

本館新聞除禮拜外日出一張諸君賜閱本報者無論本埠外埠均可函致本館取閱如外埠閱報加寄費可也除日報外常刊送外復不惜工本從英國採辦釘書裁各機器以待與各官商刊印書籍單件並有英國各種活字及各式花邊等延有西人精印工藝甚精所有中西文字均能刊印並有石版印字大小機器均用精工

第 二 千 二 百 八 十 三 號

報 叻

本館開設在舊巴虱口門牌第十四號

印工絕倫前延有文士書寫各種文字現由上海購到各種書籍出售其書目另行刊佈所有各項價甚相宜再本館所登來札原擇其有關世道人心者附登否亦須無礙於人而後始錄其有謬屬成文以及支離費解者概不登報嗣後諸翁來札尚祈自諒更須寫真爵里而後敢登但來稿登與不登均不能將原稿收回也 本館謹白

已丑六月初七日

大英一千八百八十九年七月四號禮拜四 每張售錢五文 每月一元 每季三元 每半年五元 每年十元 凡欲閱報者請向本館或各埠代售處取閱

○粵報聲明
本報所印報紙其價係按半年而半年開單一次領取報費此與零沽者有所不同近見外埠諸君取閱本報者或有僅一二月之久即為止截其更有取巧者取閱本報迨屆半年開單往收報費之時則竟託詞謂已取閱本報者為尋寄何以復送前來緣是即欲圖沒報資殊堪痛恨竊思本館之報原期大眾同觀諸事之濟否不在一人倘不欲謁觀即以一面投本館斷無有不為之止截豈有強人看閱之理則此言之詐可知茲特聲明倘諸君止看本報者必須諸函由國家信館寄投之本館始為准信倘本館未接來函仍為派送則不妨再為示教至於取閱報紙必須至一年半年方能止截否即作為零沽當按價索償勿謂言之不預也特此聲明
本館謹白

論萬里尋兒事

前本報所錄閩人某來叻二十有一年家有雙親久無音問其父經於前十年身故其母孀居望子之心無日不切後以廿餘年音耗俱絕其心漸漸近某以鴻運順風已得中人之產越其梓友鄉旋之便託其帶銀五十元歸奉其母母得子耗且有積水資不禁恍恍以驚手顛肉跳此乃出於意外故喜極而疑有此等形狀也母得信之後知子尚在世中急欲相見懇其梓友携之南來其梓友却之遂以死自誓竟於去月抵叻其年已九十有八矣而幸獲無恙一路平安母子相見之時不能驟語問至此不禁為其罪而為母悲也夫其以謀利之故棄其雙親已於子道有乖遠親在遠遊之戒然猶謂家貧無養故不懼遠涉數千里以謀菽水之資且男兒志在四方蓬矢桑弧不甘鬱為雌伏此亦出於不得已之固不能以聖賢純孝責於恆人第當於抵埠之時頻寄書信即空函一紙亦可稍慰親心安可閱二十餘年不通音問使高堂二老疑慮多端望斷天涯心隱念冷昊天不吊椿樹凋零既不能奔喪又不知所以成服此種不孝上通於天而誓草北堂殘年冷落儼然白髮雙影無依未死餘年仍在思子憶夫之日其不至於溘然而逝者蓋所爭幾希矣况其自客遊以來頗稱順適能置家室而不能瞻養雙親身從何來其何以對天地使無鄉人返里便寄家書則將畢此一生其母養恨而沒未審某於二十年之內曾亦思臨別之時尚有雙親否既別之後雙親尚能強健否人老則死雙親其能久待否歸期莫定他日向有重逢否前一念之即心中如焚歸裝難緩縱為境遇所逼難免羈留萬里白雲欲歸不得亦當稍有所獲即郵寄家中奉養有資罪可少贖而某如此愆置者殆未思及可知也更有奇者其母既已九十有八而某客叻則二十一年則其相別之時親年已出七十外矣人生七十為古所稀况復越二十餘年然後寄養奉母豈某能逆料其母必享期頤之壽而樹風常寧者耶某蓋死視其親已在於庭闈初病日矣親老而遠遊此心已不可問復置諸腦後淡然忘之有子如斯真堪浩歎夫人當數年隔別即在朋友猶冀懷思札屬鯪魚頻通近耗乃屬天親之愛竟不繫懷是誠何心不能為某代解此某之罪固無可辭者也而為其母悲者行年已老風燭垂危九十八歲老孀遠來萬里驚濤駭浪即少婦猶苦難熬矧為老態龍鍾年力俱已將盡而不復再計貿然而來者此無他憶子之心二十年如一日疑生疑死無刻可寬忽於絕望之中得聞子耗將平時之積慮一旦釋然惟是雖接手書而母北子南仍難相見憶子之苦豈家書一紙洋銀五十便可解除乎哉非見其子一面則此心終不能安而逆知其子必不肯歸故冒死而至其心亦足悲矣婦人愛子天下常情而如母則尤甚嗚呼旅人之中其家中固有親在者乎勿使如某之母可也其母於接銀之時不以為得銀為喜彼非素封者也饑寒難免之時而能視五十元洋銀如無物獨以見子一面為慰則平日望子之切可知想而知其何以如斯實某不孝所致耳而幸也某仍有良心發現時也使某全無肝腸即千百梓友鄉旋猶如不知不見安肯以銀函相託慰其母於垂死之年哉一念之良便可稍減其罪試觀其迎母之後跪於膝前兩兩忘言悲喜交集慈母孝子出於天真親擊之情母子團圓也夫

諭旨恭錄

○五月十二日奉 上諭沈秉成奏土屬匪徒滋事將首要各逆悉數捕除等語廣西慶遠府土屬匪徒莫輜經圖土職稟督土官主令黃道英糾眾滋事乘機盤踞擄掠誘脅至七八百人經沈秉成派委知府吳昭然等會同地方文武督帶勇練設法兜拿將首逆莫輜經黃道英先後拿獲審明正法

葡事電音 ○初二日英京發來電音云葡屬知刺高地方欲建火輪車路先經葡廷核准嗣復下令着將此項工役概行停止蓋以工

程浩大誠恐所作無成致耗鉅費之故而葡廷因此事恐諸人不從故已早有戰船往爲壓止矣

英葡電音 ○初二日英京發來電報云葡屬知刺高之鐵路業經國家爲之起去并將築路諸工執獲多名諒因其違抗廷命之故也

然緣一事此西人之旅居該地者均無不惴惴自危旋經英領事電致切境及印度等處請撥戰船駛赴該處地方用資保護矣

法事電報 ○初二日法京發來電報云班拿馬河之工役前經停止現在又復重興業經法廷允准惟此次動工則如何竭力亦須成功方能准其開辦云

德郵船抵助定期 ○刻接前途發來電耗言德國郵船名池禮士珍於初三早高浪霧地方啟程定於六月初八日禮拜五即能抵助上落客貨畢旋即展輪往香港上海等處特錄報以聞

停公誌慶 ○本月初七日爲西歷七月四號乃美國華盛頓開國之期凡屬彼國臣民均宜誌賀故駐助美領事官暨旅助美商等均於是日停公一日以誌慶云

暹童出洋 ○暹羅自通商英法以來亦漸知西法之精有欲師之之意前日有暹羅學童五十餘人行抵本坡再赴航往英京學習一切暹童此舉其志亦殊壯矣

婦人停工 ○意大利京城消息言地仙拿遠田園所用之耕田婦女現因事糾衆停工不肯操作且往各麵包店攫槍餅食大肆鬧鬧迨至兵士出而彈壓若輩始歛跡而去云

暹亂續聞 ○昨報暹京亂耗一則茲續據在場目擊者言其舉事情形先是有兩會黨一爲閩人一爲潮人此二黨早已積不相能而閩黨之人則多在英商雲沙魯士火確廠及他商火確備工潮黨則多爲輪船起落貨物之工二黨久已相仇鬥毆之事固常有之然尚不至大爲決裂也迨至去月十八日復因細故竟若深仇各率黨人互相械鬥至二十二二十三等日則械鬥尤狂計該黨至五千人各持鎗炮刀矛如臨大敵而其兇狠情形實令人不堪目親且有以矛刺仇黨洞穿其腹即將其人豎起以示其雄者其慘可知矣二十二日即經暹廷派有馬兵五十人并步兵千人出而彈壓更令小輪船在河面一帶密加巡緝諸人始漸散去而諸兵之受傷者亦不乏人矣亂稍定即經諸兵搜緝滋事匪徒時多逃匿然陸續緝獲者亦至六百人解赴公庭似此重案尙未悉暹廷將作何辦理也

殊屬非夫 ○助中淫風最盛則教最乖婦女射繇事故常見而未有使其婦爲游妓而代索夜度資者也有之則自某潮人始潮人某諱其姓名居於小坡二十間口家有一婦乃生於本坡者其爲髮妻與否則未得而悉然已居然伉儷各自卿卿矣婦有外遇每每以野合之纏頭與某應需習而安之甘爲綠巾卑首矣更有奇者婦有香債屢追不償者則命某往收某亦欣然不以爲恥近向婦之素嫻者收取殘眼所歡知其爲夫也伴爲不識問與婦何親某以戚屬對所歡曰若然則汝爲孽孽之親不敵我衾枕之愛婦如急用我自當於稍暇之際親爲奉到毋容汝費心也倘汝是其夫則較我更親一倍我當如數交楚煩汝交他某乃忸怩者久之遂以夫自任所歡大笑如數償之揮之使去若某者可謂全無面皮者矣


屍隨水逝 ○有漁人數輩爲閩之詔安人昨泛一小舟沿江撒網忽於水面浮來一木箱乃從而拾之啟視則內貯死孩一具急投之於水任其隨波逐浪聽其所止而休焉夫以木箱盛貯則非失溺可知大抵有人家死一嬰兒而未往報案暗命人私葬其奉命者恐爲羞所見因投之於水未可知也

以嚇爲教 ○子弟之不受教爲父兄者亦無如之何大抵失教於先故習慣難改以至如斯也如理木然不於其根幹未健之時及早修削則旁生側挺枝幹縱橫然後求其聽我屈伸如心之所欲出則必不可得治人亦猶是耳少不教誨則長不遵循此乃理所必然爲天下之通弊今觀於某甲之以嚇爲教可謂兄道之一變矣某甲者瓊洋人其姓字則已不可考居於甚古魯街頗善營生有弟某乙亦是英慧少年但因父母過慈失於教訓故從兄來助每不知何者爲敬兄之道而爲之友于兄亦聽之不肯過於督責蓋以父母溺愛伸體親心也近乙嗜慾甚多尤癖於賭日與其淫朋羈友以賭爲餘甲屢勸之仍不知改乃心生一計跡其聚賭於何處僞爲捕賭也者往叩其門乙方與友九人在樓上以賭兵鏖戰忽聞人聲嘈雜且有西人聲音疑是捕賭人來紛紛逃竄九人之內有登瓦面者有從樓窺跳下者其局乃散云竊謂甲此舉祇可瞞過一時厥後自當敗露豈足令其弟畏懼而頓改前行乎哉

謁見德皇 ○去月十五日德京遞來消息言日本內務大臣某在歐洲遊行車轍馬蹄靡處弗居現至德都於是日入見德皇皇待之有加禮云


電焚火藥 ○德京來函言索順尼地方有炮台名高尼士甸台內有大藥倉於前日爲電火所擊着然爆炸聲若巨雷惟守台兵士幸獲無恙然已受驚不小矣

巧機器火礮火礮鼓大礮鼓之器與及大小輪船汽機鍋爐並各種新式鋼鐵
器這一應俱全無不堅固耐久便合用滿六甲地方本公司開設有分廠並




代中西上商修整各種損壞機器工價格外公道如有 貴客賜顧者請至本
廠面議特此佈聞 西一千八百八十一年十二月廿六號 鐵來安公司啟

售出酒池蘭萬標蜂上頂國法



敬啟者茲本公司親由法國督辦頂上好萬蘭池酒來
助發售其酒清香濃郁醇厚異常飲之誠可令人長血
氣壯筋骨悅顏色妙美無窮今市上所有萬蘭池酒無
有能出其右者誠佐饋中妙品也至此酒惟本公司一
家沽出餘無別家出售 諸君光顧請細認蜂窠標頭
為記並細辨香味方不致誤價甚相宜倘有翻份之弊
者所早惠臨沽買是荷
大英一千八百八十八年六月二十號
大清光緒十四年五月十一日 明囑也公司謹啟

賣出酒蜜



啟者茲本行由歐洲辦到上等密酒
來助發售其酒甚佳茲將標頭印出
諸君光顧所為細認免致有誤倘
有無恥之徒假冒本行鎖匙標者本
行定必嚴為控究再此酒不能販往
加勝吧 三寶壟 泗里末
望加錫 檳榔嶼 日裡等處其
他各埠均能運往並此佈聞
西一千八百八十六年十一月十
八號 年 明囑也洋行謹啟

中外眾國有限保險公司

啟者本公司總局設在香港多年備
有資本銀二百萬兩已先收股份人
來銀六十萬兩及餘存銀六十萬兩
在由係本行代理承保各商貨物銀
項船運輪帆來往各埠其保費相用
照例所有花紅之項俟結賬之後按
股分派前一千八百七十八年
千八百八十年每股得利息銀計五
八仙又一千八百八十年至一千八
百八十二年每股得利息銀計一八
仙諸貴商賜顧者請至本行面議商
可也 大清光緒九年 月 日
英一千八百八十三年八月廿七號
毛質德公司謹啟

售出水露花上頂出新國英



敬啟者茲本公司所製之花露水及高浪水最為佳製
其香之清而且久非尋常可及素已馳譽歐洲用此水
者莫不噴噴稱頌為妙品歷經荷領寶星七次以獎其佳
然則其妙處可知茲
欲廣為流傳故特佈
告倘 諸君有欲採
辦者祈請致本公
司取討價單便知一切特此佈 聞
大英一千八百八拾七年四月二十五號
大清光緒十三年 加刺安巴驅馬厘公司謹啟



新由上海
石印各書
各書多約計
尊欲採辦者
請到本館選
購是荷至其
書目太繁不
能一一列
諸君光顧
請至本館
面議可也

售發 密烏



啟者本行向由英國督辦各種美酒來叻發售久已遐邇馳名茲復由英新辦到頭爾士斗雲字號之狗頭標烏密酒到叻應沽此酒香奕異常不惟飲之可口且能保養精神調和血氣常飲令人不生疾病誠酒國中上品也 諸君光顧應細看以上所列之狗頭標庶不致誤且價甚相宜倘 諸君有欲酷飲者請至本行取用可也此佈
大英一千八百八十八年八月十五號 明嗎也洋行啟

售發 密上頂國西

Culmbacher Beck-Beer



啟者本行親由歐洲督辦頂上正裝密酒來叻發售其酒香奕異常且蒸製最為得法功能清涼解毒燥暑除煩於南洋尤屬相宜常常飲之可令人不沾暑濕癘疫等症茲特載來發售價甚相宜 諸君欲購買者請認以上所印此酒標頭慎為告擇以免為魚珠之混是所切盼特此佈聞
大清光緒十四年九月廿七日
大英一千八百八十八年十月三十一號
美憐登洋行啟

代驗機器 ○啟者余向習機器深於此道可以代人考驗因仁機器以及露商機器查驗輪船等事倘 諸君有輪船火確火鐵等請在時加查驗有無損壞抑或新造輪船查驗否能有弊實等情亦無不可所償工值亦甚相宜或先與言明工價若干均從其便至於 諸君欲買受機器者請往代為察驗合宜與否均能効勞 諸君惠顧者請移玉趾至附近郵務局之麥打厘路邊第四十四號門牌本寫字樓內相商便得此佈
大英一千八百八十九年四月 號 西國機器師亞北謹啟

時款鐘表出售 ○啟者本店開設在國家信局對門即來安公司之隣專在歐洲督辦各式時款鐘表來叻發售計有銀表一種最為名貴每枚價銀二十五元并有大小各式金表甚多均屬當行出色者更有無須表匙自能上練之銀表每枚價銀五元其表甚為堅固至於時鐘則各體俱備無論掛鐘座鐘以及石質之鐘皆備其鐘皆異常美麗以備諸君選擇他如金表金匙相合金表練金戒指等各物甚多不能備錄而本店并能代 諸君修理鐘表以及風雨針等件甚為精細能暑度無訛 諸君惠顧請即移玉 光臨為盼
大英一千八百八十八年四月十七號
模申鐘表店謹啟



佛羅新藥水

西國醫士佛羅斯配製治病滋補氣血藥水能治肝癆肺癆胃弱飲食停滯心悸多驚四肢酸軟身虛弱酒色過度等症經馳名於世二十餘年天下各國講究調養者多經講用屢試屢驗此藥水用玻璃樽裝載其如何功用另行布列一紙用華字印刊每樽附送一張用此藥水者每日飲三次俱晨午晚膳後乃飲每次用一茶匙以冷水或凍茶一酒杯開飲須食一樽之譜方得見効如蒙 光顧請到中國各口岸西人藥房採買其在本坡則各藥房均有發售如欲多買者則請至然里道洋行對門之新嘉坡藥房即勞末申藥房內麥加君處選購大樽每樽分作二百二十八服價銀一元半樽每樽分作六十四服價銀一元此佈
大英一千八百八十八年正月十八號

臺灣院試 ○臺灣歲科兩試向由臺灣道主政自改設行省以來奏歸臺灣巡撫主政今屆歲考劉省三爵保帥於四月初一日案臨臺南情形已登前報今悉審節於四月初二日行抵臺南府屬初四日開考廿三日文武生童考試一律告畢廿四日即乘飛捷兵輪自臺南起程便道赴澎湖巡閱炮臺兼至基隆察勘鐵路旋由基隆乘舟至水返脚地方換坐火輪車直至臺北府境府中文武各官均至北門外恭候憲駕命與入城回署辦理各公閱爵保帥之考試臺南也一應供給俱係自備即地方官循例應辦各差亦概屏絕前嚴東差弁人等不准稍事需索整頓率屬僚采隨歡爵保帥又素嫻翰墨校理餘閑雅好觴詠著有大潛山房詩集久已風行海內模楷士林此次視學全臺文章宗匠玉鏡高懸都人士爭自矜磨咸以愛知為幸臨行恭送萬民傘德政牌甚夥至臺北歲試已於廿六日取齊三十日爵保帥自署入棚閱考之期大約在本月初一二日云

觀察南旋 ○督辦武備學堂楊藝芳觀察宗濂任津宜力有年初蒙傅相奏請開復銜翎復原官並請 記名以海關道用均蒙 俞允憲恩之高厚 聖德之汪洋同儕均深欽羨惟觀察前在湖北獲各議係承不叙用人員都中衮衮諸公容有以為功不補過者春間晉京 陛見空勞往返未 觀而回仍在堂中為督辦或謂觀察為識時務之俊傑詎甫同堂而風波倖矣先是堂中定分學之議俾各生肄業者各 專一藝博而泛固不若約而精也諸生中有十二人極議不從洋教習示以堂規諸生起而與爭不知何以有特不恐洋人遂歸咎觀察暗中唆 使三人聯稟該管領事帶同面稟傅相懇請保護傅相正待囑停三人又函稟該國駐京欽差附函照會總署咨照北洋大臣核奪前件即莫須 有而觀察不能和衷共濟各亦難辭聞已請假五十日於四月抄南旋養晦矣何觀察之不理於眾口耶

照朝人瑞 ○京師前門外火神廟夾道順天忠義總局係探訪忠臣孝子義夫節婦彙請旌表之處前月間順天昌平州紳士孫寶清 等公同具稟內畧言昌平州沙澗村裔民戴珣清生於乾隆五十一年丙午屆今光緒十五年己丑年一百零三歲有子三人孫五人曾孫四人 該壽民精神健足步履康強秉性溫良且生平自奉極廉待人愈厚好施樂善宜其高享遐齡現特舉報等語由昌平州石刺史查得壽民戴珣 清家傳孝友德望咸推沐 六朝雨露之恩爵四冊孫曾之秀潤瑞瑞應 照朝宜邀褒榮盛典既據紳士族鄰聯具事蹟册結呈報前來理合 加具印結詳候察核俯賜轉詳奏請 旌表以彰人瑞等情現經順天府據情具奏矣

風災詳記 ○奉天錦州風災本館前者曾據電信綴錄報章茲續得營口郵音悉奉天省之迤西錦州地方於初四日午後黑雲壓宇 紅日無光陡覺雷聲隆隆電光閃閃居民之胆怯者疑係一震之威詎不數刻忽聞半空中如萬馬奔騰自遠而近霎時塵土飛揚怪風猝發其 時該處居民未及提防彼此不能相顧倉皇之際但聞坍塌房屋一片呼救之聲起於四野慘不忍聞而風勢愈吹愈猛偶有桌椅等物置近門 嚕者竟被捲入空中如紙鷂之飛舞另有數人在外遭災之際急欲歸家探視忽為風伯吸住邀入神霄扶搖而上其房頂之被揭者尤不可以 數計並有樹木數株連根拔起杳不知其所之者江湖船覆沒尤多較小之艇且被吹至岸上該處大小居民此時此際惟有拚遭奇劫聽其自 然幸至晚間風漸息得以驚定此種鉅災為數十年所未有刻下傷人失物究有若干尚未查悉云

烟臺瑣錄 ○糧價日漸從廉西府業經得雨意者民因其可少蘇乎○五月初一日俗稱小端陽居民咸飲酒蒲盤艾虎無異天中節 風景誠不知其何典也○官憲設壇祈雨示禁屠牲旬日以來思過屠門而大嚼者幾經零落苦不堪言節屆端陽妄謂可以弛禁骨肉者遂明 目張胆相約奏刀不料悉被官府拿獲按律答臀一時剛毅柔毛咸得徘徊於欄莖之間當不憂餐刀瀝血矣○某舖屋後有一無主孤墳然碑 碣依然姓氏固歷歷可辨也舖主思擴充其屋遂劬匠掘而遷之好事者見之以開棺見尸真認經人調處掩埋如故方得免雀鼠之爭○果品 中以櫻桃成熟最早今年收數甚佳朱實盈盈遠望之不啻如珊瑚火齊云○初七八日雷聲隱隱起自西南方天色晦冥陰濃如墨咸以為雨 師將稅駕矣不料甫及片時即晴明如故豈楊枝一滴尚未肯灑及蓬萊海市間乎

西人新論 ○初三日天津西字報登有中國創建南北鐵路一論蓋橫覽我華大局熟察乎中國風土人才而發為論說也其言之大 略則以 中朝前有督督張香帥之封奏擬由漢皇達保陽而抵京南一帶建造鐵道橫貫數省路幾三千欸頗不資然此固與利自強之第一 關鍵不可不亟亟與辦者也第總樞大綱者 朝廷簡擢自有權衡以我僑西人觀之目下北洋人材極形師濟倘中國此路或須分段辦理求 一頗有聲望之總辦大員欲其任勞任怨有胆有識不長疆禦不避艱險則莫如現任直隸臬憲周玉山廉訪數 中朝欲將此數千里車道全 力貫注一氣呵成 特簡重臣以督辦大工則必延攬一曾遊歐亞幾歷歷練精通西學聲望極大而又須崇銜顯爵以資控制則橫覽之餘舍 湘鄉製侯曾勳副少司空莫屬焉此所謂有治法富有治人全局所關非可苟焉已也西人所論如此

京報選錄 ○鎮紅旗漢軍都統貝勒銜固山貝子臣奕謨謹 奏為匪徒假造公文私騙印信牽涉職官旗員請 旨分別交部訊辦 事竊臣等於上年十一月十四日據印務參領領銜營總萬桂等特具戶部三庫衙門印文咨催挑送庫兵送庫當差等因前來臣等謹遵照 正白旗漢軍都統長順等奏定章程傳集管管差養育兵閑散人等於本年三月初五日在旗署公同考驗挑選得英濟佐領下鎗兵閑散英 需一名造具册結卷送戶部三庫衙門認差在案嗣於四月初一日准三庫衙門來文並未向鎮紅旗漢軍衙門查取庫兵將册結一併送還等

因事出兩歧殊堪詫異經臣等詳加核對該衙門前後兩文所用印信大小顏色篆文均有不符顯有一真一假亟應澈底根究當經行文三庫衙門詳查並將上年各挑庫兵印文逐查驗前派印務參領萬桂通裕參領施寶成白玉璽于珊等傳集挑送庫兵之鎗管發育孫開散需等十五名並上年接收三庫衙門挑庫兵來文之印務筆帖式廣福到署詳訊有無知情去後旋准三庫衙門覆稱查驗上年各挑庫兵印文與該衙門所用印信不相符相應將偽文送還由總領自行查辦等因前來復經印務參領通裕等帶同接收文件之印務筆帖式廣福呈稱竊廣福於去年十一月十一日起至十五日赴印房值班於十三日定更時收到戶部三庫衙門催送挑庫兵白文一件筆帖式廣福隨即持白文赴印務參領萬桂宅問明是否前理涉參萬裕面諭人到畫事於十四日回堂該參領萬桂將白文存在宅內繕延至本年三月初五日才定該參領萬桂在旗署面囑筆帖式廣福如將來交部時所有刑部打照一切花費俱有我萬姓一人辦理等語又據英濟佐領下領催寶珍聲稱於三月十五日赴印房領送挑庫兵印文册結回明署佐領英全轉交領催承體承領又訊據承體聲稱當日將印文交世管佐領保澤浦接收復傳保澤浦到署詢問據稱承體將文書交佐領求看有無舛錯後交步軍協尉榮寬之手等情臣等查印務參領萬桂當差多年應屬習章京禮節宜如何謹慎趨公若如該筆帖式廣福所稱恐不免有舞弊情事至挑送庫兵英需係世管佐領英濟佐領下開散兵丁並非世管佐領保澤浦管轄至與步軍協尉榮寬尤不相涉何以預文件公事情節益覺支離均應嚴切根究相應請 旨將英濟佐領下領催寶珍承體承體之子送挑庫兵之閒散英需先行送交刑部審訊外其印務參領兼參中佐領營管總萬桂世管佐領保澤浦所管圖記差務應先行解任由臣等委員暫署併接收文件之筆帖式廣福均應一併聽候傳質其保澤浦現兼三等侍衛榮寬係步軍協尉應請 旨飭下各該衙門照例辦理至臣等於假冒印文先事未能查出亦有應得之咎應請 旨將臣等一併送部照例議處為此恭摺奏 聞伏乞 皇上 聖鑒勅部核覆施行謹 旨 已錄

辭件聲明 ○敬啟者茲做號新就記有舊件黃耀堂於前年丁亥冬做號在本吉隆開枝設新其泰生意一間有撥出六股本銀貳千四百元入在黃耀堂名下其項俱是做號代出黃耀堂自己並未交出分文而黃耀堂有執生意合同字一張而亦有寫回借項欠單一紙交在敝號存執為據於本年己丑春做號又於實叻開枝新英泰生意一間者黃耀堂同司其事做號亦經訂有花紅望其守職同夥盈餘豈料入店之後心不照常事不職守生意之道意氣不合不可再留茲已將黃耀堂清算退出新其泰生意股份及新英泰花紅等項做號皆親自取回自後二號生理均與黃耀堂無涉至黃耀堂在外與各寶號往來之項亦與新其泰新英泰無干至新其泰合同字據在黃耀堂收執者視為廢紙先此聲明免滋後論 大清光緒十五年六月初六日 大英一千八百八十九年七月三號 吉隆新就記謹啟

精製家私 ○啟者茲本公司新製各種家私椅桌等甚多均屬巧妙異常非尋常者所能望其肩背茲定於西七月一號即華本月初四日起至是月十號即華本月十三日止將所有各物置於陸旗山脚第四十九門牌以備 諸君觀覽俾便選擇特此佈聞 大英一千八百八十九年七月一號 乃逸公司謹啟

特字通知 ○諸寶號鈞照前者黃耀堂曾任小號事務茲已另圖別業未任小號之事倘有與 各寶號往來數目揭借等項惟祈經手是問概與小號無涉特此聲明以免後論 大清光緒十五年五月二十八日 老爺官街門牌第三十六號新英泰葉觀盛謹啟

歐洲新到鐵櫃出售 ○啟者茲本行新由歐洲辦到頂上鐵櫃鐵櫃夾萬等物甚多各欸大小俱備不能備錄所有各物均用上等鐵料精工製造能歷久而無朽蝕且甚為堅固水火均不能傷而欸式復極精實為近來最妙之製 諸君有欲購置者可亟移玉前來選閱是荷 大英一千八百八十九年六月二十號 大清光緒十五年五月二十二日 美鄰蠻洋行謹啟

妙手醫聖 ○啟者余素擅醫耳聾以及暈眩之症前者常有痼疾求醫無不應手而愈內有一人患聾已二十三年亦經醫愈且其方藥原屬為辦茲特願為濟世無論何人有患聾症及暈眩者可將病狀詳列寄交倫敦之必佛士圭耶地方之西境第廿一號門牌與余便寄藥單前來此係欲行善事並非圖利故不受分文諸君就教祈早賜芳函可也 大英一千八百八十九年六月十七號 英國醫生惹哥路申啟

佈告牙科醫生 ○啟者本號有精牙各器器具並有刻便製器形圖如客商欲取看祈即通知付上分文不受舖在英京此佈 大英一千八百八十九年六月十九號 鴉士行謹啟

頂上參茸玉桂發售 ○啟者小號新到正清花玉桂燕窩山珍砂水神桂野山白水神桂網羅山苦味野桂萬年老樹爛皮藥味神桂各欸野桂製成多人有萬病回春之功並有老山土木抄人參雞皮抄人參大山土木人參壯嫩北鹿茸片茸粉鹿角膠各等參茸均備並有土木人參玉桂發售一校重斤兩發售每斤價銀五元長泰街門牌五號內面商可也 大英一千八百八十九年五月廿五日 謹知泰啟

東等地方特此示諭商民人等知悉汝等欲承此碼可觀西本月十四號即華本月十六日之憲報便知其一切詳細情形矣各宜踴躍切切特諭 英大一千八百八十九年六月十五號 大清光緒十五年五月十七日 示

尋子告白 ○啟者氏有親子名李康泰係香山澳門人現年三十一歲前七八年已經來叻聞前在檳城大門樓德興號內傭工不料今年二月家中忽遇火災親丁四口同歸一爐僅存氏一人今特南來尋覓親兒並無下落特此佈告如有知氏子在於何處求通知來叻大馬路牛車水口協和鐘表店樓上詢問何先生或蔡先生便能相會倘母子重逢有日則深感 大恩於無既矣謹此京告伏乞 垂矜 大清光緒十五年己丑五月十七日 李黃氏謹啟

製造馬車器具出售 ○啟者茲有南末兄弟公司製造馬車器具及有新式馬車甚多以及一切應用物件不能盡錄是皆精工製造與尋常者不同茲欲概行出售價甚相宜所有各物均置於小東陵南末馬車房中其貨目并有單列出以備觀覽 諸君如有欲知其詳細者請至本館相商便妥特此佈 聞 大英一千八百八十九年六月十號 光緒十五年五月十二日 巴越館主謹啟

馳名呂宋烟平沽 ○啟者小呂宋非立邊拿通行製烟公司所製之呂宋烟素已遐邇馳名其烟香味俱佳且其價甚廉茲復大為減價廣銷場茲承該公司之命託本行代為售賣茲將各烟價開列如左 一曰吉底度每箱百枝每百箱價銀一百五十七元五角 一曰尼惟吉底度每箱百枝每百箱價銀一百一十七元五角 一曰2A吉底度每箱百枝每百箱價銀一百零二元五角 一曰3A吉底度每箱百枝每百箱價銀九十二元五角 一曰紐和下巴拿每箱百枝每百箱價銀一百一十七元五角 又紐和下巴拿每箱五百枝每二十箱價銀一百一十五元 諸君如欲採買者可細認本行標頭庶不致為魚珠所混則本行有厚幸焉再採買本行之烟須以現銀交易並此佈及 大英一千八百八十九年六月三號 光緒十五年五月初五日 俄士連洋行告白

上等火柴發售 ○啟者本號座鐘墨祥隆雙喜墨火柴揀選上等藥料一號榮枝專工監造雨水不潮盒身堅固始自香港向為各埠士商光顧茲特來叻以便 貴客倘蒙賜顧者請至水仙門吳業盛商議是荷特此佈聞 大清光緒十五年五月初五日 石叻吳業盛謹啟

同濟醫社軒軒謝先生醫術精通眼科尤妙論 ○余因在 布厘士衙內職任書備適左目烏睛起膜遮蓋瞳人幸賴 同濟大醫社岡州祝軒軒先生診視僅兩旬而點膜全祛乃知 先生藥儒就醫見其所診之症無不應手而愈此真良醫也爰紀同心濟世韻言銘諸 醫社以頌 大總理延聘名師之有以波及於余矣謹此佈 聞用誌不忘云 光緒十五年五月初七日 閩省泉州府愚弟李華福拜題

RIGAND'S KANAGA WATER.
列顯于那芽花露水 ○此水係以干那芽花所製其花出自日本國中香冠凡卉乃列顯君在日本探辦載回法京製成此水以故其香甚清而其用亦甚善如皮膚有皺裂等病抹此香水固能愈痊尤可解蚊口之毒若以此香水和水盥洗固能令人肌膚嫩滑顏色光潤且瘡癩不生本藥房製成此種花露水銷流已久遐邇傳揚不料近有德商仿照本藥房所造此水以圖射利其氣味遠遜迥隔霄壤 諸君有購買此水者請看以下所列第一款之西字標頭本藥房所用製載此水之樽係有浮凸字樣如下所列第二款之西字註明列顯公司字樣如標各均有經書號據始為真貨否則係為混冒向祈慎購至於各式人等有假冒本藥房花露水或由外處運來或在本坡發售一經本藥房查出定必嚴行控究至本藥房之花露水係託新嘉坡藥房麥加君代售並未開枝別處併此聲明此佈

“KANAGA DEPOSE” 4430.

MORRHUOL.
模好呂解毒葆元藥丸 ○此丸治虛損吐血花柳傳毒咳嗽哮喘目痛重舌等症其效如神且不惟解毒並且能調和營衛葆養精神現在法英美等國醫士所用花柳敗毒之藥均用此丸無不藥到病解立見春回若服此丸須仿照服法肝油之法要緩緩吞下不必於用飯時吞吞以背腹法此丸係以樽裝每樽計一百粒 諸君代售此佈 大英十一月八號

SANTAL MIDY, DR. MIDY'S SANDAL OIL CAPSULES.
檀香油藥粒 ○此藥係製成油質以薄皮一重裹作粒形以便易吞而其藥力能治花柳淫毒白濁白帶癰閉一切等症如症雖痛服之立止而服藥後約歷二三日即見功效但所患過重者須每日吞食六次每次吞食二粒至痊愈後宜再服十日庶幾消除後患永絕根株惟食此藥時宜戒色慾省氣怒勞動等事幸勿自誤致礙藥力之不神也現此藥託交新嘉坡藥房麥加君代售此佈

FRUIT JULIEN.
浮律如里果糖 ○此藥糖係採鮮果之汁加以藥料和製成塊略如糖粒氣味甘佳而其功效較於瀉油為日無論男女老幼均能服食且其味有如糖菓最為適口尤為小兒所愛其藥力均可治胆汁太多重舌頭痛癰結大便不通斑疹血熱血毒以及皮膚疥癩等症服之亦可涼血行滯且能令臟腑潔淨痼疾立除但服之法宜於臨睡時嚼一二粒至翌早飲茶一杯須臾即覺大便通利身體爽快此藥現託交新嘉坡藥房麥加君代售此佈

